



□ 11
2971
44



2971
44

陸玩

陸玩

陸玩字士瑤王導郗鑒庾亮相繼俎朝野憂懼咸以為三長既沒國基墜矣於時遷玩侍中司空給羽林四十人玩比陳讓不聽既拜嘆息謂賓客曰我為三公是天下無人也談者以為知言藝文四十七引陸玩訛作虞玩相繼薨下即接遷玩司空至末

陸納

陸納為吳興太守辭大司馬桓溫因問溫曰

可去盛晉中興書

七九

昭和十八年
一月十日
購本

醉可飲幾酒肉食多少温曰温酒不過三升
便醉肉不過十臠納後伺間求入自言外有
微禮温勅而受止有酒一斗鹿肉一盤一坐
愕然納曰公近云三升民正可二升今有一
斗以備餘瀝温嘆服御覽四百六十二

陸納字祖言徵拜左民尙書將應召綱紀曰
宜裝幾船納曰吾家不在此已勅私奴乘駕
裝并食糧米無所須也句有脫誤臨發載被襪而
已其餘皆封還官御覽四百三十一又七百四引陸納爲吳興太守

左民尙書臨發止留被襪餘還官

陸納字祖言爲吳興太守時衛將軍謝安嘗
欲詣納納兄子倅怪納無所備不敢問之乃
私蓄數十人饌安既至納所設惟茶果而已
倅遂陳盛饌珍羞畢具及安去納杖倅四十
云旣不能光益叔父奈何穢我素業御覽八百六十七又五百十二引無所備作無供辦私蓄作密作而已下作倅下精飲食客罷納大怒杖倅四十奈何作乃復

何充

何充字次道年在童觀伯父遂謂之曰我爲
兒時亡伯車騎謂我汝後當與伯父爭名汝
今器宇宏深亦當名出我右由是少有名望
御覽四百四十三又五百十三引無末六字
王敦以震主之威收羅賢儁辟充爲主簿充
知敦有異志逡巡疎外及敦稱含有惠政
王合兄一坐畏敦擊節而已充獨抗之其時衆人
爲之失色由是忤意出爲東海王文學
世說方正篇注

江何充字次道爲司徒王導諮議參軍

百九

初庾冰兄弟每說顯宗國有強敵宜賴長君
顯宗晏駕充建議曰父子相傳先王舊典忽
妄改易懼非常計冰等不從遂立康帝康帝
臨軒冰充侍坐帝曰朕嗣洪業二君之力也
充對曰陛下龍飛臣冰之力若如臣議不觀
昇平之世其強正不撓率皆如此
御覽四百二十八

何準

何法盛晉中興書

何準字幼道廬江灑人驃騎將軍充第五弟也雅好高尚徵聘一無所就充位居宰輔權傾人主而準散帶衡門不及世事於時名德皆稱之年四十七卒有女爲穆帝皇后贈光祿大夫悵護不受世說樓逸篇注

何澄

何澄字秀玄清正有器望歷尚書左僕射世說

褚翼

晉書列傳作褚熒

褚翼字謀遠少失父以材藝楨幹立名肅祖卽位徵拜屯騎校尉遷太子左衛率御覽二百四十七

蔡謨

蔡謨爲尚書上疏曰八坐之任非賢莫居前後選用名資有常孔愉諸葛恢並以清節令士素有名望昔愉爲御史中丞臣尙爲司徒長史恢爲會稽太守臣尙爲尚書郎恢尹丹以臣守小郡今猥以輕鄙超踰等正上亂聖

明貫魚之次下違羣士準平之論豈惟微臣
斯亡之誠實昭聖政維塵之累

御覽二百一

祭謨字道明拜太常咸康四年臨軒門下奏

斗祭祀宴饗則無設樂謨奏宜有金石顯宗

納焉臨軒作樂自此始也

御覽二百二十八
書鈔五十三

附陽蔡謨拜太常以下同咸康誤作咸寧

謨字道明遷司徒固讓曰若我作司徒將

而後代哂義不敢拜詔數十下謨章表十餘

陳以疾薦帝臨軒自朝至申而徵不至公

卿以蔡公傲無人臣之禮奏送謨廷尉謨

子弟詣闕稽顙詔免為庶人

御覽二百八

蔡謨讓司徒孝宗臨軒遣侍中紀璩黃門

丁纂徵謨謨陳疾篤使主簿謝攸對自平日

至日中使者十餘反而謨不至孝宗時年八

歲甚怪之亟問左右曰所召何人何以至今

不來臨軒何時當竟會稽王曰蔡公傲違上

命無人臣之禮若人主卑屈於上大義不行

於下亦不復知所以為治於是奏送謨廷尉

以正刑書謨懼率子弟素服詣闕稽顙到廷尉待罪皇太后詔可依舊制免為庶人御覽四百九十八

蔡謨讓司徒孝宗臨軒自平旦至日中使者十餘反而謨不至孝宗時年八歲甚怒之亟問左右曰所召何以至今不來臨軒何時當竟皇太后詔曰必不來者宜罷朝中軍殷浩奏曰免吏部尚書江彪官忽爽此語不倫疑傳亦有中軍以下云云惟無曰字彪作彪不知何故於是公卿奏送謨

廷尉以正刑書謨懼率子弟素服詣闕到廷尉待罪詔可依舊制免為庶人藝文四十九

蔡謨免皇太后詔以謨為右光祿大夫開府儀同三司遣謁者孟洪就加冊命謨上疏陳謝遂以疾篤不朝賜几杖門施行馬御覽二百四十三

蔡系

蔡系字子叔濟陽人司徒謨第二子有文理仕至撫軍長史世說雅量篇注

諸葛

諸葛氏之先出自葛國漢司隸校尉諸葛豐以忠彊立名子孫代居二千石三國之興蜀有丞相亮吳有大將軍瑾魏有司空誕名並蓋海內為天下盛族御覽四百六十案此當在諸葛恢傳蓋敘諸葛之緣起也文選沈休文齊故安陸昭王碑文注引諸葛誕名蓋海內

諸葛靚

諸葛誕叛遣子靚入質於吳吳亡入洛自誕為太祖所斬當云為文帝所誅誓不見太祖叔母

邪武王妃靚之姊也帝後因靚在姊間往就見焉靚逃於厠帝又逼之靚流涕曰臣不能漆身吞炭復覩聖顏御覽四百八十一案晉書載諸葛恢傳靚恢父

諸葛恢

諸葛恢字道明頤弟也弱冠知名試仕即邱長轉臨沂令值天下亂避地江左於時潁川荀顛字道明陳留蔡謨字道明俱有名譽號曰中興三明時人為之歌曰京都三明各有名蔡氏儒雅荀葛清御覽三百六十三世說識鑒篇注引恢避難

過江與穎川荀道明陳留蔡道明俱有名譽以下同文選任彥升王文憲集序注引諸葛恢字道明穎川荀顛字道明陳留蔡謨字道明以下同

諸葛恢為會稽太守上為置酒謂之曰會稽晉之關中足食足兵在於太守以君有蒞任之方是以相屈四方分崩當匡振否運治之所先君為言之恢陳謝因對曰今天下喪亂之餘風俗陵遲宜尊五美屏四惡進忠實之士退浮華之黨中宗深納之藝文卷六御覽二百五十一引諸葛恢下有字道明中宗選六字太守下有臨行二字晉作昔在於太守太作良無四

方分崩至言之十七字陳謝下無因對二字書鈔十一引有蒞任之方是以相屈作諸葛祿誤又三十九引諸葛祿為會稽太守臨行上為置酒引至是以相屈也亦作諸葛祿誤在於太守作良守

諸葛恢為會稽守二年政清民和書鈔三十

殷浩

浩棲遲積年累聘不至世說識鑒篇注

殷浩字淵源弱冠與京兆杜乂並有美譽善言玄理論難精微故風流清談皆歸之征西將軍引為記室參軍御覽二百四十九又六百十七引殷浩弱冠與

京兆杜父並有美譽善言玄理世說賞譽篇注引浩能言理談論精微長於老易故風流者皆宗歸之

浩為亮司馬世說文學篇注

建元初庾亮兄弟何充等相繼薨太宗以撫軍輔政徵殷浩為揚州刺史從民譽也世說政事篇注

殷融

殷融字洪遠陳郡人桓彝有人倫鑒見融甚漢美之著象不盡意大賢須易論理義精

談者稱焉兄子浩亦能清言每與浩談有時

而屈退而著論融更居長為司徒左西屬飲

酒善舞終日嘯咏未嘗以世務自嬰累遷吏

部尚書太常卿卒世說文學篇注書鈔二

司徒王導以為西屬融飲酒善舞終日嘯咏

未嘗以事務自嬰導甚相親悅也原誤作郭

融又一百七陳補引殷融為司徒飲酒善舞

終日嘯咏未嘗以事務榮懷御覽二百九

引同書鈔作殷融西屬上有右字又五百七

十四引同二百九右西屬作左西屬無導甚

相親悅焉六字

顧悅之

悅字君叔晉陵人初為殷浩揚州別駕浩卒
上疏理浩或諫以浩為太宗所廢必不依許
悅固爭之浩果得申物論稱之後為尚書左
丞世說言語篇注

孔愉

孔愉字敬康少與同郡張茂字偉康丁潭字
子康案晉書列傳作世康俱知名號曰會稽三康御覽
六百三

孔愉字敬康以討華軼功封餘不亭侯初愉

少時嘗得一龜放於餘不溪中流左顧者數
次及鑄侯印而龜左顧更鑄猶然印工以聞

愉悟遂佩焉

御覽二百初學記二十六引
孔愉經餘亭及鑄侯印以下同猶

左顧後以功封餘亭侯及鑄侯印以下同猶
作亦案餘下脫不字書鈔一百三十一陳
補引同初學記寰宇記江南東道湖州武
康縣引無以討華軼功至初愉十二字嘗下
有買字左顧者數次作龜中流數顧及鑄侯
印作及愉封餘不侯鑄印而龜下有首字以
聞下作愉悟昔者所放龜乃取佩焉

司徒王導將以趙冰

案晉書列傳
作趙盾下同為中護軍

孔愉謂導曰中興以來處此官者用周伯仁

應思遠今誠乏才豈可以趙冰居之其秉正
不撓皆此類也御覽二百四十 書鈔六十
四引至居之趙冰作趙泳

孔坦

孔坦字君平以才名獨步補東宮舍人書鈔六十

孔坦拜左丞辭王丞相導曰卿在朝康濟時
務拾遺補益者多矣咸以左丞事要宜須直
諒以攝百揆今天下事弊亦是氣病讓夷之
日豈得已也書鈔六十末疑有誤

孔巖

巖字彭祖會稽山陰人父倫黃門侍郎巖有
才學歷丹陽尹尚書西陽侯在朝多所匡政
為吳興太守卒於家世說品藻篇注

孔巖補大中正時東海王奕信用羣下上疏
求海鹽錢塘以水牛牽棣稅取錢直巖啟宜
寢表帝詔曰奕謂此適民無損害豈奪惠郵
之旨也省所啟敬納忠規御覽六百二十七

張茂

張茂初起義討賊陳斌一郡用全中宗召為
掾屬中興累遷至太子右衛率出為吳國內
史為沈充所殺茂妻陸氏散家財合義軍助
國討賊詣闕上書理茂忠節詔書褒嘆追贈
太僕卿 御覽四百三十九

陶回

陶回字奉之王導以回有器幹擢拜北軍中
候回性不畏強禦 御覽二百四十
丹陽陶回大將軍王敦命為參軍轉州別駕

府稱職 書鈔七十三

陶回拜領軍將軍加散騎常侍性方範不畏
疆禦丹陽尹桓景頗以佞事司徒王導導甚
昵之回常慷慨謂景非正人不宜親狎會熒
惑守南斗經旬王公語曰南斗揚州分而熒
惑守之吾當遜位以厭此謫回答曰公以明
德作鎮輔弼聖主當親忠貞遠邪佞而與桓
景造膝熒惑何由退舍導甚愧之 御覽二百
三十九又
四百九十一引熒惑守南斗至末又四百二
十八引紀回字恭則雅性方範以下同無公
可法盛晉中興書 九十一

何法盛晉書

以明德至邪佞下作公與桓景造膝云云案以陶回作紀回誤又晉書列傳陶回無字御覽二百四十四引作字恭之而四百二十八又引紀回字恭則顯有訛誤

謝尚

謝尚字仁祖司徒左西屬為會稽王友御覽二百四十八

書鈔七十一陳補

尚為建武將軍江夏相世說品藻篇注

謝安

謝安字安石年四歲桓彝見而嘆曰此兒風神秀徹後當不減王東海總角神識深敏氣

宇條暢丞相王導知之由是知名御覽三百八十四

東甌沃壤名士多樂居之太傅謝安未仕時

亦居東土其王羲之孫綽李充許詢道林皆

文義冠世共相友昵御覽四百七

安寓居會稽與支道林王羲之許詢共遊處

出則漁弋山水入則談說屬文未嘗有處世

意也世說雅量篇注

謝安築埭於新城北百姓賴之故名召伯埭

御覽七十三

可法盛晉書

謝琰

琰字瑗度安少子也為輔國將軍距氏進號

征虜左僕射領詹事文選沈休文齊故安陸昭王碑文注引中興陳郡謝錄

郡謝錄

謝琰為會稽內史督五郡事隆安四年孫恩攻上虞進及邢浦太守張虔碩戰敗於邢浦人情震懼羣賊銳進咸以宜持重嚴備且列水軍於南湖又應分軍設伏以待之琰不聽外白賊至時尚未食琰曰要先滅此寇而後

乘拜跨馬而出廣武將軍桓寶為前鋒果敢

戰殺賊甚多而塘路迤狹魚貫不聚賊於

船中乃射之前後斷絕琰至千秋亭與二

子肇峻俱被害寶亦死之御覽三百二十三

引五郡事作五郡軍士孫恩攻上虞作孫恩復寇海口入餘姚上虞進及邢浦下有去山陰北三十五里琰遣參軍劉宣之距破恩既而二十字戰敗下無於邢浦三字震懼作震駭南湖下無又應二字不聽下無外白二字果敢能戰作摧鋒陷陣魚貫不聚作琰軍魚貫而進末作琰至千秋亭而敗無與二子以下十二字

謝奕

謝奕字無奕陳郡陽夏人祖衡太子少傅父

衷吏部尚書奕少有器鑒辟太尉掾劾令遷

豫州刺史世說德行篇注

奕自吏部郎出為晉陵太守世說簡傲篇注

謝玄

時氏賊強盛侵寇無已朝議求文武良將可

以鎮遏北方者衛將軍謝安曰唯兄子玄可

堪此任中書郎郗超聞而嘆曰安違眾舉親

明也玄必不負舉才也於是徵還拜建武將

軍兖州刺史領廣陵相江北諸軍事御覽五百十一

世說識鑒篇注引至玄必不負其舉鎮遏

作鎮靜可堪此任作可任此事郗超上無中

書郎三字文選謝玄暉和王著作入公山

詩注引氏賊作寇賊鎮下無過字可堪此任

下即接於是拜建武將軍至末江北上有監

謝玄進號冠軍將軍加領徐州刺史還於廣

陵以功封東興縣侯八年秦主苻堅傾國大

出眾號百萬先遣苻融慕容暉張蚝苻方四

師至潁口梁成王先等守洛澗詔加衛將軍

安為征討大都督玄為前鋒都督徐兖青三

州揚州之晉陵幽州之燕國諸軍事與叔父
征虜將軍石從弟輔國將軍琰西中郎將桓
伊龍驤將軍檀玄等拒之眾凡八萬玄先遣
廣陵相劉牢之五千人直指洛澗即斬梁成
及成弟雲步騎崩潰爭赴淮水斬首萬級牛
馬五千餘人十月苻融進屯壽陽玄與琰等
擊精銳八千人決戰肥水南臨陣斬苻融俘
虜馬得偽輦及雲母車其餘寶器山積縶
數萬端牛馬驢騾駝十萬疋御覽三百

玄字幼度領徐州牧苻堅領國大出玄

鋒射傷苻堅臨陣殺苻融封康樂公

祖德詩注引陳郡謝錄又謝玄暉和
入公山注引陳郡謝錄玄領徐州苻堅
大出玄為前鋒射傷苻堅陣殺苻融

兖州既平謝玄患水道險澁糧運艱難

梁水立七埭以利運漕御覽七十二

謝萬

萬才器雋秀善自衒曜故致有時譽善屬文

能談論時人稱之世說賞譽篇注又文學篇
注引謝萬善屬文能談論

謝萬少而才器雋秀太宗聞其名取為鎮軍從事中郎

御覽二百四十九

謝萬升平五年詔曰前西中郎萬才義簡亮

宜居獻替其為散騎常侍

藝文四十八

謝萬字萬石太傅安弟也才器高俊早知名

歷吏部西中郎將豫州刺史散騎常侍

世說

言

萬器量不及安石雖居藩任安在私門之時

名稱居萬上也

世說品藻篇注

萬之為豫州氏羌暴掠司豫鮮卑屯結并

萬既受方任自率眾入潁以援洛陽萬務豪

傲物失士眾心時北中郎將郗曇以疾還彭

城萬以為賊盛致退便向還南遂自潰亂狼

狽單歸太宗責之廢為庶人

世說品藻篇注

謝萬安石之弟也為尚書令薨博士議諡曰

萬無他才直以宰相弟遂居清顯妄自夸擬

曾無慚德案諡因事有功曰襄貪以敗官曰

墨宜諡曰襄墨公朝議直曰襄公

御覽四百九十二案

晉書謝石傳石無他才望直以宰相弟遂居清顯而聚斂無贖取譏當世禮官議諡博士范弘之議諡曰襄墨公朝議不從單諡曰襄而御覽引中興書謂是謝萬恐有訛誤

謝明

謝萬安石弟聚斂無厭取譏當世書鈔四十一

謝石

謝石遷尚書令上表以脚疾不敢朝拜乞依故尚書王彪之例於府綜攝詔聽書鈔五十九謝石上疏曰尸素朝端忽焉五載文選王仲寶褚淵碑

世說文學篇注

文注

謝安弟石尚書令薨時年六十二無他才望直以宰相弟兼有大勲遂居清顯而聚斂無

厭取譏當世御覽六百二十七世說方正篇注引石字石奴歷尚書令聚

斂無厭取譏當世文選沈休文奏彈王源注引何注盛陳郡謝錄謝石以有大勲遂居清顯

謝道韞

謝安女道韞王凝之妻也凝之弟獻之嘗與賓客談議辭理將屈道韞遣婢曰欲為小郎

解圍乃以青綾布障自蔽申獻之前義客不能屈 御覽六百十七

王羲之

王羲之字逸少導之從子也幼訥於言人未之知年十二嘗見周顛異之時重牛心炙先割啖羲之羲之於是聞名及長尤善草隸書為今古冠絕累遷右將軍不樂京師遂往會稽與謝安孫綽等遊處山陰有道士養犂羲之意甚悅道士云為寫黃庭經當舉犂

贈乃為寫訖籠鵝而去 御覽二百三十八

王羲之字逸少弱冠知名庾亮請為參軍 書鈔六十九

王羲之為護軍將軍任役在平 書鈔六十四

羲之與述志向不同而兩不相能述為會稽艱居郡境王羲之後為郡申慰而已初不重詣述述深以為恨喪除徵拜揚州就徵周行郡境而不厯羲之臨發一別而去羲之初語其友曰王懷祖免喪正可當尙書投老可得

爲僕射更望合稽便自邈然述旣顯授又檢
發會稽郡求得其失主者疲於課對義之恥
慨然遂稱疾去郡墓前自誓不復仕朝廷以
其誓苦不復徵也 世說仇隙篇注

傲之

相冲引傲之爲參軍蓬首散帶不綜知其序
世說簡傲篇注

傲之義之第五子卓犖不羈欲爲傲達仕至
門侍郎 世說雅量篇注

傲之性放達棄官東歸居山陰 世說任誕篇注

傲之卓犖不羈欲爲傲達放肆聲色頗過度

人欽其才穢其行也 世說任誕篇注 書鈔

下有字子猷三字末有大司馬桓温以爲參軍九字

王獻之

王獻之少有清譽亦善隸書後將軍謝安請
爲長史甚欽愛之 御覽二百四十八

王遜

王遜爲寧州刺史民人謁者多使作金刺通

名妻詰之曰何先清而後濁也

書鈔七十一

毛璩

毛璩為譙王司馬時海陵縣地多菰蒲處所幽邃亡戶保之璩請討放火而進天既旱地皆菰封封燃叛人走出近得萬戶

御覽九十九

劉遐

劉遐字正長廣平人性果毅便弓馬遭天下亂遐自為鳴主攻鈔日至無時不戰遐每奮擊直入賊軍陷堅摧銳鄉人邵績深知之以

女妻焉遂立壁河濟之間胡不敢逼時人號

為關羽張飛

御覽四百三十五

鄧遐

鄧遐氣蓋當時

文選齊故安陸昭王碑文注

虞預

虞預好學有文才中宗以為記室專典書記

書鈔六十九

虞預有學有才轉琅邪王常侍

書鈔七十一

孫盛

何去盛晉中興書

九

孫盛年十歲避難渡江及長博學善玄理於
時殷浩擅名一時無與抗論唯盛嘗詣浩談
論對食奮麈尾毛悉落飯中食冷而復暖者
數四至暮忘食理竟不定 御覽六百十七

盛字安國太原中都人博學強識歷著作郎

劉陽令庾亮為荊州以為征西主簿累遷秘

書監 世說言語篇注

孫盛歷散騎常侍秘書監常領著作 御覽二百三十四

孫盛字安國為秘書監加給事中篤尚好學
自少及長常手不釋卷既居史官乃著三國
陽秋 初學記十二 御覽二百三十二引無
加給事中四字 又六百十一引無加給
事中篤尚六字

孫潛

潛盛長子也豫章太守殷仲堪討王國寶潛
時在郡逼為諮議參軍固辭不受遂以憂卒
世說言語篇注

干寶

可去盛晉中興書

干寶字令升新蔡人祖正案晉書列傳作祖統吳奮武

將軍父瑩丹陽丞寶少以博學才器著稱歷

散騎常侍世說排調篇注

干寶字令升新蔡人始以尚書郎領國史遷

散騎常侍卒撰晉紀起宣帝迄愍五十三年

評論切中咸稱善之文選干令升晉紀武帝革命論注

鄧粲

長沙鄧粲高潔著名桓冲召粲為別駕粲起

屢職時南郡劉尚公亦治操不仕粲既就職

尚公語粲曰卿道廣學深衆所推懷忽然改

節誠失所望粲笑答曰足下可謂有志於隱

而未知隱之為道朝亦可隱市亦可隱隱初

在我不在於物尚公無以難之然粲名譽亦

減半矣御覽二百六十三

謝沉

何充庾冰並稱沉有史才遷著作郎撰晉書

三十餘卷時年五十二先著後漢書百卷及

毛詩漢書外傳所著述及詩賦文論皆行於



世其才學在虞預之右書鈔五十七御覽
二百三十四引謝沉
為祠部郎何充庾冰以沉有史才遷大著作

習鑿齒

習鑿齒字彥威荊州刺史桓温辟齒為別駕
温出征伐或從或守所在任職每處機要莅
事有績善尺牘論議温甚器之在職十年後
忤温旨左遷戶曹參軍書鈔七十三陳補
習鑿齒字彥威襄陽人少以文稱善尺牘桓
温在荊州辟為從事歷治中別駕遷滎陽太

守此說言語篇注

顧和

顧和字君季晉書列傳
作君孝滎族子也和二歲失
父總角便有清操弱冠知名族父滎雅重之
此吾家千里駒也興吾宗者必此子矣康帝
即位為尚書僕射更拜銀青光祿大夫又遷
左光祿大夫御覽二百四十二世說雅量
篇注引和有操量弱冠知名
顧和遷侍中初中興東遷舊章多闕而冕旒
飾以翡翠珊瑚及雜珠等和云舊冕十有二

疏皆用玉珠今用雜珠等非禮若不能用玉

珠可用白璇成帝於是始下太常改之書鈔五十一

八御覽六百八十六引初中興儀服不備

是疏飾以翡翠雜珠顧和奏舊冕十二旒皆

用玉今不能得玉可用白旒珠於是始下太

常改之顧和為尚書僕射以母老固辭詔勅諭特聽

暮出朝還其優遇如是尋朝議以臨端右之

副不宜處於外更加銀青光祿大夫書鈔五十九

初學記十一御覽二百一十一引顧和康帝

即份為尚書僕射至暮出朝還

江適

殷浩北伐江適為長史及丁零反叛浩軍震

懼姚襄去軍十里結草為營方欲擊浩浩甚

懷憂令適代之適曰今兵非不精而眾少於

羌且塹柵甚固難與校力乃取數百雞以長

繩連之腳皆繫火一時驅放以兵過後羣雞

駭散一時飛過塹並集羌營皆燃因其驚亂

縱兵擊之襄遂摧退御覽三百二十一又九

懷憂二十一字驅放下無以兵過後四字駭

散下無一時二字無未襄遂摧退四字又八

百六十八引殷浩北伐江適為長史適取數

百雞以長繩連腳皆繫火一時驅放過塹集

可去盛晉中興書

五三

營皆燃焉 藝文八十初學記二十五引並同御覽八百六十八

江適為侍中時孝宗欲於後園修立池苑適諫以強賊未滅宜務軍備當存儉約以率羣下上即納之 御覽四百五十三

江灌

江灌字道羣陳留人僕射彪從子也有才器與從兄適名相亞仕至尚書中護軍 世說賞譽篇注

江績

江績為御史中丞既到職彈奏無所屈撓時

元顯專政多行驕橫績密奏之 書鈔六十二原訛作江繪

殷顗

初仲堪欲起兵密邀顗顗不同楊廣與弟佺期勸殺顗仲堪不肯 世說德行篇注

殷允

允字子思陳郡人太常康第六子恭素謙退有儒者之風歷吏部尚書 世說賞譽篇注

王恭

恭雖才不多而清辯過人 世說賞譽篇注

太原王恭為中書令領詹事學問清操過人
書鈔六十五

王恭嘗宴於司馬道子室尚書謝石為吳歌
恭曰居端右之重集宰相之座而放妖俗之
音乎並有慚色 御覽四百九十一

王恭敗單馬奔曲阿不堪久騎兩髀生瘡不
能復去曲阿人殷確 晉書列傳 以船載之為
明浦尉所得 御覽三百七十二

謝安石上疏曰王恭超登清任當虛心乘理

文選任彥升王文憲集序注

王熙

熙字叔和恭次弟尚鄱陽公主太子洗馬早
卒 世說雅量篇注

王爽

爽字季明恭第四子也仕至侍中恭事敗贈
太常 世說文學篇注

劉牢之

劉牢之至五橋澤中敗績兵士殆盡牢之馬

超五丈澗得免 御覽七十二

劉牢之屯洺州桓玄至于湖遣牢之族舅何

睦 晉書 說曰今君戰敗則傾宗戰勝亦覆族

欲以是安歸乎孰若翻然改圖唯理是宅則

身與金石等固名與天壤俱窮哉牢之得說

詣玄請降 御覽四百六十二

殷仲堪

殷仲堪少好學能清言善屬文文士咸欽愛
之以孝行稱烈宗聞其名召為太子中庶子

甚相知悅 御覽二百四十五

殷仲堪上白鹿表曰巴陵縣青水山得白鹿

一頭白者正色鹿者景福嘉義 御覽九百六

仲堪父嘗患疾經時仲堪衣不解帶數年自

分劑湯藥誤以藥手拭淚遂眇一目 世說排
調篇注

孫晷

孫晷字文度吳人少佃於野人有刈其稻者

晷避之既而刈一擔自送與之鄉人感愧終

日屢空怡然自足辟命皆不就妻虞預女也

少稟伯喜二字疑誤其安儉約御覽五百三原作孫畧又八百三十九引至避之於野下有時年飢穀貴五字刈上有生字亦作孫畧

顏含

顏含字弘都琅邪人含次嫂樊氏老而失明含奉養必束帶躬親嘗省嫂病須得蚺蛇膽為藥而求不能得平晝獨坐有一童子持一青囊授含含開視蛇膽也童子逡巡出戶化成青鴻飛去得膽藥成嫂病即愈御覽四百百二十七引顏含嫂病困須鬻蛇膽不能得含憂嘆累日忽有一童子持青囊授含乃蛇

膽也童子化為青鳥飛去 藝文九十一同御覽九百二十七 太平廣記四百五十六引同御覽九百二十七

琅邪顏含拜右光祿大夫門施行馬賜牀帳被褥勅大官四時致膳固辭不受於時論者以王導帝之師傅名位隆重百僚宜為降禮太常馮懷以問於含含曰王公雖重禮無偏敬降禮之言或是諸君事鄙人老矣不識時務書鈔五十六

何琦

何去盛晉中興書

頁

何琦字萬倫遭母憂停柩在殯為鄰火所逼
烟焰已交家乏僮役計無從出乃匍匐棺所
號哭而已俄而風止火息堂屋一間乃免
御覽四百十一

何琦字萬倫養志衡門不交人事豐約與鄉
鄰共之頻徵不起桓温登縣界山喟然嘆曰
此山南有人焉何某真止足也
御覽五百三
是據晉書列傳改

吳達

烏程吳達往經飢饉父母兄嫂及羣從小幼
之親死者十有三人達亦病篤鄉里咸以葦
裹布而埋之親屬皆盡存者唯達夫妻而已
家徒四壁晝則傭賃夜還燒磚伐木夜至山
屢遇虎虎下道避之夫妻勤苦期年中成七
墓十三棺鄰里嘉尚其志義葬日悉出助之
太守張崇之義其志行加羔雁之禮命補功
曹吏達以門寒固辭不受
御覽四百十一

易雄

易雄仕郡為主簿張昌之亂也執太守萬嗣
將斬之雄對賊爭論曲直賊怒叱使牽雄斬
之雄趨出自若賊又呼問之雄對如初如此
者三賊乃舍之嗣由是獲免雄遂知名書鈔
三
易雄長沙瀏陽人爲春陵令聞王敦作逆誰
王承檄至雄馳檄遠近列敦罪惡云而王師
數績致得肆暴收雄姑孰以檄示雄曰有
之情雄位微力弱不能救國難安用生爲分

卽戮得爲忠鬼乃其願也

御覽四百十七

王諒

交州刺史王諒爲州人梁碩所圍城陷碩逼
奪諒節諒不與碩遂斷諒右臂諒正色曰死
且不畏臂斷何有哉

覽二百六十九

羅企生

企生字宗伯豫章人殷仲堪初請爲府功曹
桓玄來攻轉諮議參軍仲堪多疑少決企生
深憂之謂其弟遵生曰殷侯仁而無斷事必

無成成敗天也吾當死生以之及仲堪走文武並無送者惟企生從焉路經家門遵生給之曰作如此分別何可不執手企生回馬授手遵生便牽下之謂曰家有老母將欲何行企生揮淚曰今日之事我必死之汝等奉養不失子道一門之內有忠有孝亦復何恨遵生抱之愈急仲堪於路待之企生遙呼曰今日死生是同願少見待仲堪見其無脫理策馬而去俄而玄至人士悉詣玄企生獨不往

而營理仲堪家或謂曰玄性猜忌未能取卿誠節若遂不詣禍必至矣企生正色曰我毀侯吏見遇以國士不能共殄醜逆致此奔敗何面目就桓求生乎玄聞怒而收之謂曰相遇如此何以見負企生曰使君口血未乾而庄此奸計自傷力劣不能剪定凶逆我死恨晚耳玄遂斬之時年三十有七衆咸悼之

德行篇注

鄧攸

河上先生曰

皇

鄧攸字伯道為石勒參軍勒過泗水攸與鄉人河東陳嘏平陽馬恬共謀叛勒破車以牛馬負妻子入草中又遇賊掠牛馬去攸語妻曰吾弟早亡惟有一息今當步擔兩兒恐遇死不如棄我兒抱弟子遺民婦乃從之御覽四十六

鄧攸棄兒於草中兒啼呼追之至暮復及攸明日繫兒於樹而去遂渡江至尚書左僕射弟子綏服攸齊衰三年世說德行篇注

吳隱之

吳隱之字處默濮陽人遭母憂哀毀過禮與太常韓康伯鄰居隱之每哭康伯母謂康伯曰汝若居銓衡之職當用此輩人及康伯為吏部尚書因進用之遂歷清顯御覽四百四十三引處默下有少孝行四字無初學陽人三字鄰居下無隱之每哭四字初學記十一引吳隱之字處默與太常韓康伯鄰居隱之母每哭康伯母輒涕泣悲不自勝既而語康伯曰以下同無輩字藝文二十引吳隱之少有孝行遭母憂哀毀過禮與太常韓康伯鄰居隱之每哭康伯母輒輟事流淚悲不自勝

何法盛晉中興書
吳隱之字處默太元中以國子博士為太子
右衛率 御覽二百四十七

吳隱之素清操為廣州刺史州界有水名貪
泉父老云飲此者皆使廉士變貪隱之始踐
境先至水所酌而飲之因賦詩曰古人云此
水一畝懷千金若使夷齊飲終當不易心至

後清操愈厲 書鈔七十一 世說德行篇注
引舊云往廣州飲貪泉失廉潔
之性吳隱之為刺史自酌貪泉飲之題石門
為詩云石門有貪泉引至不易心懷作重
初學記十八引同世說注一畝作一飲 御
覽四百九十二引廣州北界有一水名曰貪

泉父老云飲此水者皆使廉士變貪 寶生
記嶺南道廣州南海縣引吳隱之往州飲貪
泉為廉潔之性

虞喜

虞喜字仲寧好學博古中宗初鎮江左上疏
薦喜公車徵不至司空賀循每一詣喜輒經
信宿云不能測也康帝以為散騎常侍又不
起永和初將禱太廟應有遞毀徐禪議喜講
焉所著數十萬言 御覽五百三

杜夷

何法盛晉中興書

杜夷字行齊以儒學稱中宗以夷為丞相
酒中興初皇太子凡三至夷舍執經問義
二百三十六 初學記卷十引行齊下書
儒林祭酒即接皇太子至末 書鈔六十一
引杜夷素以儒稱秉操貞素中宗以為祭

徐邈

徐邈字仙民東莞姑幕人也少好學問
經傳烈宗始覽典籍招延禮學之士謝靈運
邈選補中書舍人在西省撰正五經音義
者宗之每預顧問輒有獻替多所補益

甚愛之御覽二百二十二 初學記十一引
徐邈字景山以東州儒素性好學尤
善經傳以下同選上有應字在西省上有專
字 書鈔五十七引徐邈以東州儒素少好
學尤善經傳引至學者宗之謝安上有後將
軍三字

徐邈字仙民建元中為太子前衛率
御覽三百四十四
八案晉書列傳不載徐邈字御覽作仙民初
學記作景山

孔衍

孔衍為廣陵郡時人為之寒心而衍不形於
色雖郡接西賊猶教授後進不以戎務廢業
書鈔七十四

范宣

范宣八歲後園挑菜誤傷指大啼問痛耶答曰非為痛身體髮膚不敢毀傷是以啼耳御覽四百三十二案卽下條以刀傷手之事而傳聞或異耳

范宣陳留人年十歲能誦詩書嘗以刃傷手

捧手改容人問痛耶答曰受全之體而致毀

傷不可處耳少好學手不釋卷博覽衆書善

三禮御覽三百八十四又三百七十引答曰下有不足為痛四字受全上有但字不可處耳下作衆人以其年少而異焉無少好

學至末

宣家至貧罕交人事豫章太守殷羨見宣茅

茨不完欲為改室宣固辭庾爰之庾爰原作羨爰據晉書改

以宣素貧加年飢疾疫厚餉給之又不受

世說德行篇注

范宣少尚隱遁博綜衆書徵辟並不應雖閒

居屢空常研講為業諷誦之聲有若齊魯御覽

五百二書鈔九十七引范宣少尚隱遁好學手不釋卷以夜續日博綜衆書

庾東

庾闡父東以勇力聞世祖時西域遣一健胡

趙趨勇果自謂無敵晉人不敢與校世祖募
求勇敢之士唯東應選遂暴投胡勇聞殊俗
御覽三百八十六

庾闡

庾闡有文章才義識者以為宜綜國史於是
召為散騎常侍書鈔五十八 藝文四十一
御覽二百二十四引義作

闡字仲初潁川人太尉亮之族也少孤九歲
便能屬文遷散騎侍郎領大著作為揚都賦

邈絕當時五十四卒世說文學篇注

曹毗

曹毗字輔佐譙國人魏大司馬休曾孫也好
文籍能屬辭累遷太學博士尚書郎光祿勳
世說文學篇注

李充

李充字弘度江夏郢人也祖康父矩皆有美
名充初辟丞相掾記室參軍以貧求剡縣遷
大著作中書郎世說言語篇注

李充字和度為參軍善刑名書鈔六十九案和字誤

李充為大著作郎於時典籍混亂充刪除煩

重以類相從分作四部甚有條貫書鈔一百一十五

七引無末四字御覽二百三十四引四部下作秘閣以為永制而無甚有條貫四字

李充字弘度母衛氏廷尉展之妹也充少孤

母聰明有訓又善楷書妙參鍾索世咸重之

從兄咸亦善書御覽七百四十九案晉書列傳充從兄式

杖酒

伏滔字玄度平昌安邱人少有才學舉茂

大司馬桓温參軍遷大著作掌國史游擊將軍卒世說言語篇注

袁環

環字山甫為祭酒尚書典國學書鈔六十七引陳郡袁錄

顧愷之

愷之博學有才氣為人遲鈍而自矜高為時

所笑世說文學篇注

王愷

愷字茂仁歷吳國內史丹陽尹贈太常世說方正

篇注

褚裒

褚裒字季野河南人也弱冠譙國桓彝見而目之曰褚季野有皮裏陽秋裒女卽獻后也徵拜侍中遷尙書裒以后父苦求外出除江州刺史莅政貞素每崇清約常使私僮樵採

御覽二百五十六又四百四十三引褚季野翼從弟弱冠至皮裏陽秋目之作異之又四百九十五引褚裒字季野桓彝目之曰季野皮裏陽秋書鈔三十八引褚裒爲江州刺史每崇清約雖居官恒使私僮樵採

褚裒授衛將軍中書令裒以中書銓管詔命不直以親居之固讓

藝文四十八 御覽二百二十

征北大將軍褚裒遣督護王堪

案晉書列傳作徐龕

流民軍次岱陂爲石遵所破死傷過半裒還京聞哭聲甚衆問何哭之多左右曰岱陂之役也裒恥恨發疾而死

御覽四百八十七

褚裒字季野侍中衛將軍薨贈太傅元穆侯

文選王仲寶褚淵碑文注

王濛

河去盛晉中興書

五七

王濛字仲祖恬暢能言名理善隸書與劉惔

為中書郎太宗輔政濛惔並數侍接對號為

入室之賓惔字真長少清峻時人以濛比袁

曜卿以惔比荀奉倩初學記十一 御覽二百二十

劉惔並誤作劉

王濛少而不羈不為鄉閭所齒晚節克修遂

有風流美譽與沛國劉惔齊名時人以濛比

袁曜卿惔比荀奉倩御覽四百七 劉惔誤作

王蘊

王蘊字叔仁為吳興太守持郡荒民飢蘊輒

開倉賑主簿執諫云宜先列表上蘊曰行仁

義而敗者渺矣於是米賑貸賴蘊者十室

而八然後具自表聞朝廷以違科免飢民多

誦之詔特左遷晉陵太守御覽二百六十一

王蘊字仁修當作叔仁烈宗將納后訪於公卿僕

射安曰王蘊地望可與國婚定后既立徵拜

紫金光祿大夫御覽二百四十三

王蘊以后父徵拜紫金光祿大夫封建昌侯

母劉氏平樂鄉君 御覽二百二

許詢

高陽許詢字弘度寓居會稽司徒蔡謨辟不

起詢有才藻善屬文時人皆欽愛之 文選江

體詩注

許詢能清言於時士人皆欽慕仰羨之 世說

篇注

許玄

高陽許詢字玄度丹陽許玄字遠遊並道高

不仕詢有才藻能清言玄山居服食志求仙

道遊會稽臨海山誓不歸家乃與婦書令改

適後入剡溪山莫知所止或以為昇仙 御覽

三五說郭五十九引道高作清高

任旭

任旭字次龍臨海人立操清儉不染流俗郡

將蔣秀請為功曹秀治官貪穢每不奉法旭

正色苦諫秀既不納旭乃謝去閉門講肄養

志而已久之秀坐事被收旭於獄狼狽營救

躬自扶送秀慨嘆曰任功曹直人吾違其讜
言以至於此復何言哉

御覽二百六十四

郭文

郭文舉避亂上餘杭大辟山縣令顧颺親近
文舉歸贈一無所受颺以文山行或須皮衣
與韋袴褶一具文不納使者置衣室中而去
文亦無言袴褶爛於戶內

書鈔一百二十九

五 書鈔無使者以下十八字御覽無親近

孟陋

孟陋字少孤少而貞潔清操絕倫口不言世
事少時或漁弋雖家人亦不知所之太宗輔
政以爲參軍不起桓温射往造焉或謂温宜
引在府温嘆曰會稽王不能屈非敢擬議也
陋聞之曰億兆之人無官者十居其九豈能
高尚哉我病疾不堪供相王之命非敢爲高
也

御覽五百四

譙秀

桓温上疏薦譙秀曰竊聞巴西譙秀植彩貞

固抱德肥遜若蒙蒲帛之徵足以鎮靜頽風
軌訓囂俗幽遐仰流九服知化初學記二十

翟湯

翟湯字道淵尋陽人薦行純素始安太守干
寶與湯通家遣船餉之勅吏云翟公廉讓卽
致書記便委船還湯無人送致乃更貨易絹
物因寄還寶寶本以爲惠而反煩之益愧嘆
焉御覽四百二十五又八百七引翟湯字
道淵尋陽人太守干寶遣船餉之至因寄
還寶

翟湯字道淵尋陽人耕而後食凡有饋贈
無所受庾亮薦湯以國子博士徵不起御覽
五百

翟莊

湯子莊字祖休遵湯之操雅好弋釣及長不
復獵人或問莊曰同是害生之物而先生止
去其一何也莊曰獵自我釣自物故先節其
甚者且貪餌吞釣豈我哉時人以爲知言晚
節亦不復釣端坐篔門啜菽飲水徵辟皆不

就莊子矯矯子法賜並徵不至世有隱行御覽

五百三

郭翻少有志操居貧無業起往古往田先立表題經年無主然後乃作將熟有認之者翻悉推與之藝文六十八

郭翻武昌人安西將將庾翼以帝舅之重躬往逼翻欲強起之翻曰人性各有所短翼以翻船狹小欲引就大船翻曰使君不以民鄙

賤而辱臨之此固野人之舟也翼俯屈入其

船中御覽七百六十八事類賦十六引安西庾翼以帝舅之尊躬往逼翻欲強起之翻船狹小引至末

郭翻字長翔不交世事家於臨川唯以漁獵為娛常以車獵道逢病人以車送之徒步而返庾亮薦公車徵不就乘小船歸武昌庾翼躬往造之以翻船狹小欲引入大船翻曰使君不以民鄙賤而辱臨之此固野人之舟也遂不肯翼便俯屈入其船中終日而去御覽五百

三書鈔一百三十九引郭翻少有志操不
交世事惟以漁釣射獵為事嘗以車獵去家
百餘里道中逢一病人以車送之徒步而歸
原郭翻上衍司徒二字

郭翻武昌人墜刀於水路人為取翻仍以與
之路人不取至於三四固辭翻曰爾尚不取
我豈能復得路人曰我若取此將為天地鬼
神之所責矣翻知其終不受復沉刀於水路
人悵然乃復沈沒取之沈沒原訛作驚翻於
是不逆其意十倍刀價與之其廉不受惠皆
此類也御覽三百四十五

麟之

之一字遺民

世說任誕篇注 御覽五

之南陽人少有信義去家百餘里有一

病將死嘆息謂人曰誰當理我唯有劉

真耳何由令知麟之先聞其有患故往候

之體其命終乃身為治棺殯送之其仁愛惻

石此御覽四百十九又五百十四無南

麟之字子驥一字道民好遊於山澤志在

尋道常採藥至名山深入忘返見有一澗水

南有二石困一困開一困閉或謂困中有仙
方秘藥麟之便欲尋索終不能得桓沖請為
長史固辭居於岐陽人事往來無不投止麟
之自供給人人豐足凡人致贈一無所受御覽
五百四又四百二十五引劉麟之字子驥志
在逸通居於岐陽凡人致贈一無所受
瞿坑先生 案晉書作瞿矧
太和末有瞿坑先生者不知名姓始居宣城
又有瞿坑因以名焉桓温往視之見先生無
被坐石室神無忤色温命伏滔銘讚之 書鈔

宣州寧國縣引有具矧先生不知姓名住宣城汶脊山

戴逵

逵不遠千里往豫章詣范宣宣見逵異之以
兄女妻焉 世說巧藝篇注
戴逵字安道譙國人少博學好談論善屬文
能鼓琴工書畫其餘巧藝靡不畢綜總角時
以雞卵汁澠白瓦屑作鄭玄碑又為文乎自
刻字文既綺藻器亦妙絕時人莫不驚嘆知

其深敏

御覽三百八十四 書鈔一百二引 戴逵總角至莫不驚嘆刻字作刻之

戴逵字安道少有文藝善鼓琴太宰武陵王

琇聞其能琴使人召焉逵對使者破琴曰戴

逵不為王門伶人晞怒乃更引其兄述述

能樂聞命忻然操琴而往逵不樂當其以

琴為不遠千里

御覽五百七十八案不遠千里下似有脫文

逵至王門伶人破琴上有前打

琴能鼓琴總角時以雜子

能鼓琴總角時以雜子

汁澠瓦屑作鄭玄碑又為碑文文既綺藻器

亦妙絕武陵王晞聞其善琴使人召之逵於

使者前打破琴曰戴安道不能為王門伶人

累徵散騎常侍郡縣敦逼乃逃去吳國內史

王詢有別館在虎邱山乃潛住詢山中謝玄

王詢並表逵烈宗備禮徵不至

御覽五百四

龔玄之

龔玄之字道玄潛處陋巷未嘗出入公門有

致餉一無所受武陵太守孫放薦玄之詔以

爲散騎常侍郡縣逼苦辭不行前後四徵一皆不降御覽五百四又四百二十七引至一無所受無陋巷二字出入作至

陶淡

陶淡字處靜太尉侃之孫一身了然無有同產齟齬之時雅好導養謂仙道可祈年至十五六便服食絕穀不婚娶居長沙臨湘縣去家十里立小草屋裁足容身時還家設小牀常獨坐不與人共於野得白鹿子馴而養之至七八歲時恒與之俱往還後遂乃不復還

御覽九百六又三百九十三引無太尉至家可祈二十六字絕穀下有累千金僅客百數淡終日端拱十三字不婚娶上有絕字臨湘縣下有山中二字無去家十里四字無末於野至還家二字無事類賦二十三引陶淡侃之孫雅好導養年十五六便服食絕穀得白鹿子馴養之常與俱往還家後遂不復還家說郭五十九引同事類賦得白鹿子上有於野二字馴下有而字常與下有之字往還下無家字

陶淡字處靜侃之孫雅好仙道年十五六便服食於山中立小草窟設小牀獨坐故舊入山候者輒移渡澗莫得近之本州舉秀才淡聞遂逃羅縣山中終身不返莫知所終御覽五百

顏延之

延之為始安郡道經尋陽常飲淵明舍自晨
達昏及淵明卒延之為誅極其思致文選顏
延年陶
徵士誄注

淳于智

淳于智字叔平濟北人上黨鮑瑗家多喪疾
貧苦或謂曰淳于叔平神人也何不試就卜
乃令智作卦成曰君宅東北有大桑樹君徑

至市入門數十步當有一人持新馬鞭者就
請買還以懸此桑樹三年當暴得財也瑗承
其言詣市果得馬鞭懸之正三年後浚井得
錢十萬銅鐵雜器復可二十餘萬於是家業
用展病者亦愈御覽四百八十四

于瓚

于瓚以穆帝時為大將軍誅死史記集解序
索隱

任丞

任丞字士恭為屯騎校尉位居蕃屏躬處儉

約書鈔六十一

王廣

琅邪王廣字世明多才藝為東海王越記
書鈔六十九

邳恢

高平邳恢為雍州鎮襄陽多所撫恤大得關
隴聞譽誘納降附動以干計
書鈔七十二

車允

車允為廣州刺史居官貪濁
書鈔七十二

張敬續

張敬續出補晉陵內 乃立新豐塘萬九
四尺
書鈔七十四

王祿

太原王祿遷丹陽尹為政清整
書鈔七十六

楊儉

中興初以邊寇未靖學校陵遲特聽不試孝
廉而茂才猶依舊策諸州茂才皆憚不往楊
儉猶慷慨恥以銜曜取進終身不仕罷歸田

里 書鈔七十九

周鎮

鎮清約寡欲所在有異績 世說德行篇注

孫騰

騰統子也博學歷中庶子廷尉 世說品藻篇注

石虔

石虔有才幹有史學累有戰功仕至豫州刺史贈後軍將軍 世說豪爽篇注

李軌

李軌字弘範江夏人仕至尚書郎 世說儉嗇篇注

王禹

王禹上言曰貢篚相尋連舟載路 文選王元長三月三日曲水詩序注

崔悅

崔悅字道儒 文選盧子諒贈崔溫詩注引何法盛晉錄

孔亭

元帝封孔亭為奉聖侯不食戶邑 御覽二百一

劉寅

劉寅於厭次縣築壘拒石勒勒後執寅以鑊湯煮之御覽六百四十五

王敦

王敦字處仲尚武帝女襄城公主天下大亂敦將還臺悉以主嫁時侍婢百餘人配給將士金寶一時棄捐初學記卷十 御覽一百五十二
王敦為太子舍人滎陽潘滔時為洗馬見而目之曰處仲蜂目已露但豺聲未振若不噬人亦當為人所噬御覽四百四十二

帝舅王愷嘗置酒王導王敦俱往女妓吹笛

小失聲愷怒便令黃門毆殺之一坐改容敦

神色自若御覽五百八十一 書鈔一百十一 陳補引又一百十二引至改容

事類賦笛引小失聲愷怒作小失愷意未敦 神色自若敦誤作愷

王敦死密不發喪囊尸以席塗之以蠟埋於

齋中諸葛瑤等相縱酒淫樂御覽七百六十八 又七百九引

王敦死裹以席塗以蠟埋齋中 說郛五十九引同御覽七百九

周馥

馥周撫孫也字湛隱有將畧曾作敦掾世說豪爽

桓温

桓温父被害温年十五枕戈泣血經年乃提刀直進手刃讎人 藝文三十三

桓温字元子譙國人為琅邪王文學後進位

大司空薨 文選庾元規讓中書表注

桓温傲曰幕府不才忝荷戎重 文選同上

李勢盜蜀温伐勢勢出軍戰於柞 柞貝子縛

隨命 文選同上

桓温步騎四萬自江陵向關中伐偽立 立字

荊州刺史郭敬進擊青泥皆破之至於灞上

戎首多降居民皆壺漿路側耆老或泣曰不

圖今日復見官軍兵師苻健以五千人守長

安小城時運道艱難而關中大飢温率眾還

詔遣侍中黃門慰勞於襄陽犒軍十一年温

進征討大都督司冀諸軍事委以專征之任

温乃合眾治兵七月率眾伐羌十月温次伊

水羌帥姚襄來逆軍屯於北遣使詣温奉身

歸命願勅前鋒小卻當拜伏路左温答曰我自修復中原展敬山林無豫君事欲來相追何復求卻於是方軌齊進襄率驍勇萬餘人距水前戰温命小弟冲及諸將奮擊襄大敗奔北自相殺害死者數千越北芒而奔走温屯故太極殿前賊周成率眾降温徙入金墻謁先帝諸陵被侵毀者皆繕復之選陵令年護御覽三百九

温曾為徐州刺史世說方正篇注

温授侍中太尉固讓不受旬日之中使八至軹軒相望於道桓遂親職御覽二百七烈宗冲幼桓温威震内外人情噂嚙互生同異謝安與王坦之盡忠匡翼温諷朝廷欲為九錫使驍騎將軍袁宏具草時温已疾篤宏以呈安安視輒云不好更勾改之使彌歷旬日至於温薨錫命遂寢藝文五十二 御覽二百二興寧二年桓温奏省散騎常侍二人復置四人凡一省文書奏表意異者為散騎常侍比

於侍中貂璫插右黃初中始置四人出入侍
從與上談議不典事書鈔五十八案此條疑
有訛誤
海西公以平袁真功賜桓温子偉為西昌公
御覽二百

韓博

刁彝於桓温坐嘲韓博曰君是韓盧後博語
曰君是韓盧後温笑曰刁以君姓韓故相問
耳他自姓刁那得是韓盧後博曰明公未之
思耳短尾者則為刁也一坐推嘆焉藝文一
十五

桓遐

遐字道伯温長子也仕至豫州刺史世說捷
悟篇注

桓玄

桓玄與人博奕取甚田宅御覽七百五十四

桓玄字敬道出鎮姑孰大築府第文選殷仲
文南州桓
公九井作注引何法盛玄錄

元興八年桓玄用事出鎮姑孰雖名在外實
遙領尚書事也書鈔五十九

詔桓玄曰蕃衛王家垂固萬葉文選顏延年
三月三日曲

水詩序注

何法盛晉中興書

詔加桓玄為楚王備九錫之禮玄到姑孰朝

臣勸進玄遂篡位 文選殷仲文解尚書表注

桓玄入建康宮逆風迅激旌旗不立法章儀

飾一皆傾偃是月酷寒

說郛五十九

桓玄左右稱玄為桓詔桓胤諫曰詔者施於

辭令不以為稱謂也漢魏之主皆無此言願

陛下稽古帝訓令萬世可法玄曰此詔已行

今宜勅罷之

御覽五百九十三

桓玄聞義軍起斬其二將志慮窘塞日與臧

道士推算數厭勝之術

御覽四百八十六

劉道規及下邳太守孟懷玉等與桓玄戰於

崢嶸洲義軍乘風縱火盡銳爭先玄眾大潰

燒輜重夜遁玄故將劉統馮稚等聚黨四百

人掩沒尋陽城建威將軍劉懷肅討平之其

黨自相斬以降玄入江陵太守馮談勸使更

下戰玄欲步出漢川投梁州而入情崩阻不

可復合益州刺史毛璩弟璠卒璩使其從孫

何法盛晉中興書

百四

祐之參軍費恬送璠喪葬江陵璠弟子修之
為玄屯騎校尉玄計窮欲走漢中修之誘以
入蜀遂與石康等乘艦泝江數十里恬與祐
之迎擊玄益州督護馮遷斫玄曰是何人
邪敢殺天子遷曰欲殺天子之賊耳遂斬玄
首並石康等五級庾頤之及殿中監萬蓋丁
仙期皆死之玄年三十六原作六十息昇六
歲云我是豫章王諸軍勿見殺遂送至江陵
斬之御覽三百二十三

孔璞

初桓玄篡位國人有孔璞者奉珍之奔尋陽
義旗既興歸朝廷仕至太常卿以罪誅世說
豪爽

杜弼

杜弼大破桂林賊還遇王機於道機勸弼取
交州弼素有志乃握機節曰當相與迭持何
可獨捉機遂以節與之於是機與弼及温邵
劉沉等並反後皆為陶侃所殺書鈔一百三
十 御覽六

百八十一引王機纂廣州懼王敦來討杜弼
在鬱林與機結好機勸弼取交州弼至執機
節曰以下同無於是至並反十三字

王矩 王機兄

王矩字令式美容貌每出行觀者盈路 御覽三百七十九

王機

廣州人背刺史郭訥迎王機遂入廣州訥乃
持節出機就訥求節訥曰昔蘇武不失節人
以為美今寧可以與賊乎義不可得相與自

可遣兵來取之機慚而止 御覽六百八十一

祖約

祖約為丞相從事中郎於府內為婢所傷司
直劉隗奏約患生婢僕身被刑傷約甚漸恥
遂解職還家 御覽五百 藝文三十五引無約甚慚恥遂五字

蘇峻

蘇峻作逆與祖渙許柳等將萬餘人出橫江
連船東渡時遇西風既濟半江中忽更東風
吹船還西岸峻喜曰是天助我固將志也 御覽

孫恩

孫恩敗以囊籠盛嬰兒投之於外而告之曰
賀汝先登仙堂我尋而後就汝 御覽七百四

孫泰

孫恩者亦名靈秀琅邪人孫秀之族也世奉
事五斗米道恩叔泰字敬遠師事錢塘杜子
恭為弟子子恭有內術嘗就人借瓜刀其生
求之子恭曰當相送刀主行至嘉興有魚鱗

人船中破魚得瓜刀其為神效往往如此 御覽

二百四十五 書鈔一百二十三引孫恩世
奉事五斗米因叔泰師事錢塘杜子恭以下同
內術作異術

劉曜

建興四年劉聰使劉曜寇長安 文選劉越石
勸進表注引

何法盛晉書胡錄

秦寧五月大迴風吹劉曜太廟瓦垣外數十
步其欒梁棋桷無離者瓦亦不毀曜素服五
日繕治之 御覽七百六十七

石勒

劉曜進兵圍洛陽百餘日不克石勒謂徐光曰曜以疲卒十萬圍堅城今以我初銳擊彼衰怠其勢必舉十二月勒兵四出晝夜兼行六日行千里至洛陽與曜大戰遂執曜書鈔一百一十二

石勒與李陽相近陽性剛愎每歲與爭漚麻池共相打撲互有勝負勒貴召陽引入言及平生酒酣牽陽肘曰卿年老臂中故有力不

頗復與人鬪邪孤往數得卿老拳卿亦數遭孤毒手因大笑賞賜甚厚即日拜陽奉車都尉除始興太守時有醉胡乘馬徑入府門勒問門吏馮翊向走馬入門為是何人而不彈白翊見問遑遽誤對忘諱向有醉胡乘馬馳來即以呵問胡人難與語非小吏所制勒笑曰胡正自難與言其後章武太守樊坦入辭居貧衣服甚陋曰樊章武貧邪朝服何以壞惡坦性疎謬對曰頃遇羯胡資財蕩盡是以

窮弊勒大笑曰羯賊乃爾大忍取君物盡坦

流汗而不敢謝勒賜坦衣怒而不問御覽三百九十九

一又九百九十五引石勒昔居與李陽相近

陽性剛復每歲與爭漚麻池共相打撲

文十九引石勒與李陽相近至因大笑又引

勒冷門閣至峻有醉胡乘馬徑入府門至胡

正自難可與言

石虎

石虎有所平克不復料其善惡或盡坑斬使

無子遺御覽四百九十二

再閱

殺石鑒及幸胡數萬人於時有高鼻名

蔡者無不濫死御覽三百七十四

苻健

苻洪第三子健陰圖關中陽使其徒種麥示

無西意有微知其計不肯耕種者健殺之後

十餘日師衆西行到孟津作浮橋使弟雄步

騎五千人入潼關兄子菁入軹關詣河誓曰

若事不捷汝死河北我死河南為鬼無相見

也御覽四百八十 藝文八十五引苻健洪

第三子至示無西意

苻健凶暴露刃張弓椎鉗鋸鑿殺人之具備
置左右御覽三百四十七又四百九十二七百六十三

苻堅

苻堅率眾五十萬向壽春謂融曰晉人若知
朕來伐一時還南固守長江雖百萬之眾無
所用之今秘吾來令彼不知彼顧江東在此
必當戰若其潰敗求守長江不復可得則吾
事濟矣乃秘不言堅自來於是以小將旗列
屯肥北晉征虜將軍謝石冠軍將軍謝玄輔

國將軍謝琰西中郎將桓伊等並阻水南一
時涉渡肥水融曰及晉未成列擊之必克也
堅曰不然我長於步彼便於水今捨步入水
是以所短擊其所長非良策也可須彼過水
時擊之彼既背水進退無術乃可盡殺然
後船舫渡江直指會稽觀禹朝萬國之處不
亦樂乎列陣以待晉軍既濟戰於肥北堅被
重創三軍潰亂堅馳還長安御覽三百九

苻朗

不列傳卷中與書
望風歸化既嘉其誠亦簡其才可員外散
侍郎并賜給之 御覽二百二十四

王猛

猛北海人居魏土少貧賤鬻畜為事嘗至
多貨畜有於市貴買其畜而云無直家近
可隨我去取直猛隨去行不覺遠而忽
山中此人語猛且住樹下當先啟道君
與猛進見一公據胡牀頭髻悉白侍從

十許人有一人引猛云大司馬公可進猛因

拜考公公曰王公何緣拜即十倍償畜直又

遣人送猛出山既出嶺顧視乃嵩山也 御覽

八十一引又二百九十四八十四六百四十又

七十引稍節數字 太平廣記二百九十四

姚萇

姚萇試諸子謂曰吾有一寶物萬金不易汝
等技藝勝者吾以與之諸子皆素好馬欲於
父前試之惟畧不動萇以為賢故越諸兄立

為嗣字

御覽八百二

李特

李特入漢州至劍閣顧盼險阻嘆曰劉禪有如此地而面縛於人豈非庸才也

寰宇記劍南東道劍州劍門縣

李班

後蜀李雄太子班雄寢疾班晝夜省侍衣不解帶雄自少攻戰大被傷疾自是多膿潰班為吮膿殊無難色班即雄兄之子也

御覽四百十二

北夷

胡者北夷之總名也

御覽七百九十九

北狄

北狄其地南接燕趙北並沙漠東漸九夷西界六戎世自相君臣不稟中國正朔

御覽八百此見

晉書北狄匈奴傳

胡俗

胡俗以部落為種類屠各取豪貴

文選邱希範與陳伯

之書注

賓

賓者廩君之苗裔巴氏之子孫相乘土舟
浮眾異之立為廩君子孫布列於巴中秦并
天下以為黔中郡薄其稅賦人出錢四十邑
人謂賦為賓遂因名從佐高祖平定天下善
歌舞所謂巴渝舞也寰宇記山南道渠州流
江縣路史國名紀三
引賓廩君後

交趾刺史

漢武時南平百越始置交趾九真日南合浦

山海鬱林蒼梧凡七郡立交趾刺史以州邊

遠山越不賓宜加威重故刺史輒假節七郡

皆加鼓吹御覽五百六十七 書鈔一百三

凡字刺史下有以統之三字邊遠下即接宜

青城山

青城山續漢郡國志遼東屬國昌遼下注何
注盛晉書有青城山

吳與蜀盟文

吳主孫權與蜀盟文曰天降喪亂皇綱失敘
逆臣承襲劫奪國柄始於董卓終於曹操九

州輻裂普天無繼及曹子丕偷取天位而獻
么麼尋亦凶逆昔共工亂象而高辛行師三
苗干度而虞舜征焉今日滅寇擒其徒黨非
漢與吳將復誰在建大事必先盟誓漢之與
吳雖信由中然分土裂境宜立盟約使東西
士民咸共聞知既盟之後戮力一心同討魏
賊救危恤患分災共慶各守分土無相侵犯
傳之後業克終若始有渝此盟創禍失亂
陸其師無克祚國 藝文三十三

封邑

漢制人君特寵皆賜之封邑

書鈔四十八

博士

博士之職端委佩玉朝之大典必於詢度當

以正道克厭人望然後為可

御覽二百二十九
書鈔六十九

九引至必詢度之

博士之職博習舊聞訓教學徒而已端委佩

玉列為朝吏入大典

書鈔六十九

令云博士皆取履行清淳通典明義

書鈔六十七

時朝議七廟毀於是徵太學博士用質疑帶
書鈔六十七

郭璞云秦博士典教職禮義所寄也書鈔六十七

又書鈔一百十七引執朽轡以馭逸馬承

勁風以振秋蓬此二句似是辭賦中語抑

或是詔策尙未檢出原處姑附於此又初

學記二十一引仲尼遂因魯史而書陽秋

皆循理而動著於實錄亦未檢出並附於

此

徵祥說附

日

升平三年十月丙午日中有黑子如卵少時

而孝宗崩開元占經卷六

太和中四年十月乙未日中有黑子明年海西

公廢占經卷六

太興四年三月癸未日中有黑子永昌元年

十月辛卯日中有黑子是時中宗有寵劉隗

隗惟威福殊傷君道王敦兆亂晉陽之舉兵

何法盛晉中興書
輦禍及忠賢故日有瑕也寧康元年十
月乙酉日中有黑子如李二年三月庚寅日
又有黑子如雞卵二枚十一月乙巳日又有
黑子大如雞子是時帝年已長而康獻皇后
以從嫂臨朝實傷君道故日有瑕十三年庚
子日有黑子大如李十四年二月辛卯日中
又有黑子二十年十一月辛卯日中又有黑
子是時會稽王以母弟專政故日有瑕也
六案孝武帝寧康止二年所云十三年庚
當屬大元

隆安元年十二月壬辰日暈有背是後帝不
親萬機會稽世子元顯專行威罰
占經卷八
義興六年五月丙子日暈有背珥是時盧龍
逼京師戰於郊也
占經卷八
成帝咸和五年二月壬戌朔日有食之是時
顯宗已長幸司徒第猶出入見王導夫人魯
氏如子弟之禮以人君而敬人臣之妻有虧
君德九年十月己未朔日有食之是時顯宗
冠當親萬機而委任大臣君道有虧
占經卷九

太和三年三月丁巳日有食之五年七月己酉朔日有食之皆為內宮被廢之應也占經卷九

愍帝建興元年十一月先晦二日丙子日有食之十二月惠帝崩於邊境占經卷九

咸康八年正月己未朔日有食之京都大雨郡國以聞是謂三朝王者惡之六月而顯宗崩占經卷九

升平四年八月辛丑朔日有食之為明年孝宗崩之應占經卷九

星

太白相對熒惑似鬪非鬪留連不退其國若

燕兵在外君臣亦無疑忌則其年必水旱不

變五穀收成占經二十二

熒惑受太白相侵不有病君即有病臣占經二十

丙寅春太白填星同敘斗牛之間占者曰吳

越必有賢者興敘而不犯是謂和同和同而共事罔不濟是時王導為司馬建幕府招俊

傑願榮卞壺等皆至是其應也占經二十二卷七
元帝渡江鎮辰太白等四星聚於牛女間御覽

太元二十年九月有蓬星紛絮東行歷女虛室及哭星御覽八百七十五

甘露

甘露降者老得敬則松柏受之尊賢容眾則竹葦受之甘露者仁澤也其疑如脂其美如飴初學記卷一 御覽十二引王者敬養者老則甘露降於松柏尊賢容眾以下同又

八百七十二引甘露者仁澤也疑如脂甘如飴德至於天則降 白帖露引王者敬養者老則甘露降而松柏受之尊賢容眾則竹葦受之 宋李石續博物志卷一引至竹葦受之下有一曰天酒四字蓋李氏語

甘露者仁澤也人君仁愛萬民澤普四海天乃應以甘露占經一百

王者德至於天而甘露降尊賢容眾不失細微則竹葦受之初學記二十八

王者德至天氣感而甘露降郡縣甘露七十降譙降盱眙方七十五畝藝文九十八有說誤

風

桓玄入建康宮逆風迅激旗幟飄亡儀飾一
皆傾偃是月酷寒此日尤甚急恒寒若之應
也出遊門外飄風飛其儀蓋御覽八百七十
六書鈔一百
五十六陳補引至酷寒飄亡作不立儀飾上
有法章二字
元堅三年長安大風堅宮中樹悉拔是歲王
元死御覽八百七十六

雷

太興元年十一月京都雷震凡未應雷而雷

皆恒燠也御覽八百七十六

升平二年十一月雷是時皇太后臨朝政舒

緩占經一百二 御覽八百七十六

元興三年永安王皇后自巴防陵將設威儀

入宮天大雷震人馬多死御覽八百七十六
占經一百二引

有訛誤

安帝義熙三年六月霹靂震太廟鴟尾徹壁

柱各有文字書鈔一百五十二

雨雹

可去盛晉中興書真

太興二年海鹽雨雹大如鴨子御覽十四
書鈔一百五

太和三年四月雨雹是時海西昏亂相龍朱
實等淫逆占經一百一

太元二十一年四月雨雹是時王道子專政
奸佞競進烈宗不能禁絕王室大亂占經一
百一

雨木冰

太興三年三月雨木冰其後有王敦之難占
經一百五

陰霖

咸和四年陰霖五十餘日蘇峻滅後乃霽藝
文

霧

太寧元年黃霧四塞王敦之應咸和元年大
霧步武不相見會稽王道子專政之應占經
一百一

天鳴

太興二年天鳴東南有聲如水相薄三年又

鳴後哀帝廢

御覽卷一

無雪

太元二十年冬無雪亦猶春秋之無冰恒燠之罰也是時任會稽王道子縱酒宴樂不卹政事舒緩之應也

御覽八百七十九

寒

太興四年冬大寒民凍死是時王敦肆亂而天子不能禁任意專殺戮及忠良

占經一百一十八百七十九引至弗能禁

御覽

旱

咸和六年夏旱七年秋冬旱是時烈宗仁恕

任會稽王道子亦舒緩之應

御覽八百七十九原訛作

咸安二年冬旱且寒甚四年夏五月秋旱時

休恩作亂桓玄疑貳內外騷動兵革方興

御覽八百七十九

毛氏元年八月庚子尚書下舍火是時桓玄

加事出鎮姑孰身雖在外實遙領尚書故天
災示不復用也 御覽二百二十

山崩

和四年廬山西大巖崩俄而郭默害江州

初史伏誅 藝文卷六

銅鐘

義熙十一年霍山崩毀出銅鐘六枚上有古

文科斗書人莫能識 初學記廿六 御覽五
百七十五引無科斗書

金陵

昔秦始皇東遊望氣者云五百年後東南金
陵之地有天子氣於是始皇改為秣陵漸北
山絕其勢今建康即秣陵西北界所壅即建
康南淮中也按始皇東遊之歲至孫權僭號
四百三十七年考之年數既不合校之基宇
又非倫豈應帝王之符而見兆於上代乎有
晉金行奄君四海金陵之祥其在斯矣且秦
政東遊至今五百二十六年所謂五百年後

當有王者也

藝文九十八

清暑殿

烈宗起清暑殿識者曰清暑反語楚聲也為殿以酸楚之聲為號非吉祥也頃烈宗崩桓玄自號楚御覽一百七十五說郭五十九者非之楚聲上無反語二字下無也字無頃烈宗崩四字末作後桓玄篡

屋壞

興二年吳孫米

吳孫二字疑有誤

無故壞盡貨糴

亦無故壞天戒若曰五穀湧貴無所糴

賣不復須屋時陽亢人大飢餓死者十二三

萬占經一百十四

王敦在武昌架屋五間已構五木一宿梁墜

地楸在柱上未幾作亂敦滅占經一百十四

元興二年大桁門魯屋自壞桁門者蓋古之

雞門都城之門也王者所由出入是孝宗枳

默二字難解警蹕之響未嘗至於雞門而桓玄之

篡成位也占經一百十四位字疑衍

黃盤龍

何法盛晉中興書

夏

桓玄鍾姑孰屋壁先畫作黃盤龍號盤龍齋
俄而玄敗將軍劉毅居之毅小名盤龍御覽一百八十五

神鼎

王者德盛則神鼎見神鼎者仁器也不炊而
於深山文明則應運而至故禹鑄寶鼎以擬
之成帝咸康八年陽穀民劉珪夜見光取得
一枚此文明之應也占經一百十四 藝文七十三引神鼎者

能息能行不灼而沸不汲而盈煙熅
自然所生也引至擬之 御覽七百五
引詞藝文能息能行上有能輕能重四
為作炊而盈作自盈烟熅作網繼 事類
十六引向御覽

成帝咸和元年春宣城穀山崩得古鼎重三
百斤容可三斗餘羣臣畢賀御覽七百五十六

玉璧

王者不隱其過則玉璧見愍帝建武元年江
寧民虞迪墾地得白玉麒麟璽二枚文曰長
壽萬年安帝義熙十二年左衛兵陳揚於淮

水中得玉璽一枚古經一百十四藝文八

玉璽見書鈔一百三十一引義熙十二年

左衛陳陽於府事前淮水中得璽其文曰王

者不隱其過則玉璽見璽亦璽也十四字揚

作陽

王者不隱其過則玉璽見不斷自成光若月

明御覽八百六

金勝

金勝者仁寶也不琢自成光若冰月四夷賓服則出穆帝永和元年陽穀民得金勝一枚

長五寸狀如織勝後桓温平蜀四方來服之應也古經一百十四

金勝一名金稱援神契曰神靈滋液百珍寶用有金勝晉孝武時陽穀民得金勝一枚長

五寸形如織勝御覽七百十九書鈔一百

案桓温平蜀事在永和三年御覽及書鈔引作孝武時誤

忘設豹尾

海西公初即位忘設豹尾夫豹尾儀服之主大人所以豹變也而海西公非可宜忘之天

若曰海西凡庸下可以主社稷故忘其豹尾
示不能終也御覽四百九十又六百八十四引
無而海西公非可宜忘之九字 占經一百
十四引忘設豹尾下無豹尾儀服之主七字
大人作聖人而海西公下作豹變之日非所
忘之時天下有戒字若曰下無海西凡庸至
社稷十七字忘其上無故字 書鈔一百一
十引海西公出秦川忘設豹尾

假髻

太元中公主婦女緩髻假髻以為盛飾用髻
豐多不可恒戴乃先於籠上扶之名曰假髻
至於貧人不能自辦自號無頭就人借髻

孫恩桓玄之亂死者萬計被戮之家多亡頭

首至大斂時皆以繩縛菰草為頭是假髻之

應也御覽七百十五 書鈔一百三十五引
至名曰假髻恒戴作行戴扶之作裝之

太元中公主婦女束髮緩髻傾髻以為盛飾

用髮豐多不可恒戴乃先於籠上掖之名曰

假髻或曰假頭至於貧民不能自辦目號無

頭就人借髻亦服之妖也無幾時烈宗晏駕

二十年中兵革不息孫恩之亂刑斬無數桓

玄之役死者萬計被戮之家多亡頭首御覽
七百

慘頭

太元中人不復著慘頭亦服妖也頭者無親
賊起 占經一百十四卷

露卵

舊為履者齒皆達名曰露卵泰元中忽不復
徹名陰卵亦服妖也識者以為卵謀也必有
陰謀烈宗末驃騎將軍袁悅之始有陰謀之
事及隆安遂致大亂 御覽六百九十八

羽扇柄

舊為羽扇柄者刻木以象骨翮用十毛取全
數也中興初王敦始改用長柄使其下可捉
扇減其羽用八識者以為服妖也柄可使執
者國柄之象毛減用八者是羽翮損少而飛
羽不終之應也 御覽七百二 占經一百十
字無服妖也三字作識者以為柄可使執用
似為王敦執國柄之象也損少無而飛
羽不終五字事類賦十四引舊羽扇翮用
十毛至敦如改用八羽翮損少飛翮不終之
光也

木連理

王者德澤純洽八方同一則木連理連理者
仁大也或異枝還合或兩樹共合建元元年
木連理四一生膏山一生武昌一生汝陰一
生汝陽泰興元年又生武昌藝文九十八
御覽八百七十
三引兩樹共合其合作共無仁木也三字

嘉禾

王者盛德御覽八百三十九嘉禾者仁卉也其大盈
一梓一牙御覽八百三十九負則同本而異穎國政文

則同穎而異本御覽七百八十三

王者德盛則嘉禾生仁卉也義興十三年鞏
縣民宋曜於田中獲嘉禾九穗同本九穗九
州是時羌平六合寧御覽八百三十九

蒺藜

義熙中城上及御道左右皆生蒺藜亦草妖
也御覽九百九十七

鳳

戴德揚義背負仁翼挾信心抱忠足履正尾

繫武仁智之禽鵠鷗而龜腹 白帖鳳

白鳶

永和九年吳郡獻白鳶 御覽九百二十三
孝宗二字九年作元年無吳郡二字

鶴

泰元十年鶴巢太極殿東鵠尾 御覽一百八十八

鷗

鷗集太極殿殿非鷗所處鷗湖澤鳥也時蘇
峻作逆宮室被焚 御覽九百二十五

麟

麟者應也蓋與聖為期應也角上有肉示不
傷也 占經一百十六

麟麕身牛尾狼頭一角黃色馬足也 初學記二十九

麒麟者毛蟲之長也仁獸也牡曰麒牝曰麟 御覽八百八十九作麕身誤 事類賦二十九

牡鳴曰遊聖牝鳴曰歸和夏鳴曰扶幼秋鳴

曰助績 御覽八百八十九 初學記二十九
引無牡曰麒三字助績作養綏 事類賦二十九引牡鳴曰四句助績作養綏

可去盛音中與書

夏

騶虞

天下太平則騶虞見騶虞者仁獸也狀如白
虎而黑文其尾三倍昔召公化行陝西之國
而騶虞應 藝文九十九

白虎

王者仁而不害則白虎見白虎狀如虎而白
色嘯則風興皜身如雪而無雜者是也近代
所謂白虎者皆班而虎文爾雅所謂彪虞者
也 藝文九十九

白鹿

白鹿者仁獸也明王明惠下及則見色若霜
雪白牝牡不與紫鹿為羣案周平王時白鹿
見漢章帝西巡日白鹿見於平臨觀 占經一百十六

白麇

中興所在獻白麇 藝文九十五 雜畧二

麇

興寧元年十月麇見於東海王宮麇主也將
為天下主之徵哀帝崩東海王即位 占經一百十六

白兔

白兔者仁獸也王者尊敬耆老則見

占經一百十六

馬

孝武帝太元十四年六月寧朔州刺史賈統
上言晉寧須池縣此月辛亥有馬二疋出於
河上一白一烏盤戲相逐河水上從卯至巳
乃沒占經一百十八

恭帝之為琅邪王好奇戲閉一疋馬於門內
令人射之欲觀幾箭而死左右曰馬國姓而

射之不祥甚矣乃止俄而桓玄篡位御覽八
百九十九

羊

咸和元年司徒府羊產無後足其後蘇峻作

亂占經一百十九

犬

興平二年吳郡府令地中得犬子二頭一雄
一雌太守張懋聞齋內牀下犬子聲地自坼
見有二犬取而養之皆成尋而懋為江充所

害 占經一百十九

蛇

太寧中武昌有大蛇居神寺神樹上出頭從人受食案京房易妖占曰大蛇見神祠不出三年有大兵國有大憂時王敦作逆 占經一百二十一

蝗

元帝太興二年徐州及揚州之西江郡蝗三年冀州蝗均為肆暴之徵 占經一百二十

童謠

隆和中謠曰升平不滿斗隆和那得久桓公入石頭陛下徒跣走哀帝聞而惡之改為興寧又謠曰雖復改興寧只自無聊生尋哀皇中藥不識萬機 占經一百十二

太和中童謠曰青青御路楊白馬紫游繯汝非皇太子那得甘露漿又曰鳳皇生一雛人見無不喜謂言是馬駒何悟成龍子是時海西公龍念殿中常侍相龍等為亂生子男三人海西公以為己子將欲立之既而被廢以

馬縉殺三子三子死南方獻甘露公卿三子不得嘗焉占經一百十三公卿上疑脫賜字

童謠云官家養蘆花成荻蘆生不止自成積是時盧循竊據廣州國未能因而用之是官

養之蘆也藝文八十二御覽一千

中藥不備萬物占經一百十二

麻又謂白蠟為艾與毒只自無則生毒矣

人亦煎烈平益楚表哀帝聞而惡之艾為

到時中謂曰長平不漸平烈味極甘八

